



**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus VI. Ut lite non contestata non procedatur ad testium receptionem,
vel ad sententiam definitivasm.

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

nes pœnales facit transire ad hæredes & contra
hæredes. *I. Inst. de perpet. & temp. action.* 6.
interrumpit præscriptionem longissimi, imò etiam
longi temporis. *I. 26. C. de R. V.* 7. possessorem
bonæ fidei in ordine ad perceptionem fructuum
constituit in mala fide Juridica, & fictione Juris,
ut eos reservare debeat victori. *I. 22. C. eod. l. 38.*
S. 7. ff. de Usuris. 8. impedit libelli mutationem,
ut dictum. Reliqui effectus se prodent in decur-
su quoad materias particulares.

TITULUS VI.

*Ut Lite non contestata non proce-
datur ad Testium receptionem, vel ad Sen-
tentiam Definitivam.*

SUMMARIUM.

1. Regula ponitur in Rubrica.
2. Patitur tamen suas exceptiones.

Cum litis contestatio sit basis & fundamen-
tum Judicij, hæc Rubrica tradit regulam
generalem, ne ante eam recipiantur te-
stes, vel feratur sententia definitiva, per quam di-
rimitur causa principaliter in Judicium deducata.
Si tales actus Judiciales fiant, sunt nulli. *c. 1. 2.*
b.t. Habet tamen hæc regula suas exceptiones.

Unde

Dico. Etiam lite non contestata recipi possunt
testes. 1. in causis, in quibus necessaria non est
litis contestatio, ut in Summariis, in causa inqui-

sitionis &c. & in casu contumaciter non comparentis Partis: sed quomodo contra contumaces procedendum sit, dicetur pleniùs ad tit. XIV. infra: hic noto, quod, si Reus contumaciter absit in causa Matrimonii, vel in causa beneficii Ecclesiastici, v. g. Electionis, & de tali causa liquido constet, etiam procedatur ad sententiam definitivam. 2. in casu, quo quis timet sibi litem movendam; talis enim petere potest à Judice, ut ante omnem litem motam recipiat testes rei gnatos, et si senes non sint, vel alio profecturi. c. 41.
 43. de testib. Nov. 90. c. 9. ne nimirum contingat suo tempore sibi deesse copiam se defendendi; & hæc receptio testimoniū dicitur fieri *ad perpetuam rei memoriam*. 3. in casu, quo agens in causa civili advertit, litis contestationem tam citi fieri non posse, ex altera verò parte periculum est, ne sibi interea testes subtrahantur, quia v. g. sunt valetudinarii, senes, ituri ad bellum vel in longè dissipatum locum, aut oblituri eorum, de quibus ferre testimonium deberent, aut aliter impediendi; hujusmodi enim testes recipi possunt ante litis contestationem. c. fin. h. t. Hoc tamen non permittitur Accusatori causam criminalem criminaliter tractanti, licet permittatur Reo ad probandam innocentiam; quia præstat nocentem dimittere, quam innocentem condemnare. Unde apparet, partes Rei, qui ad se defendendum potest producere testes etiam non senes, non discoloros &c. tam in causis Civilibus, quam in Criminalibus ante litem contestatam, non item Actor, qui solum senes &c. vel Accusator, qui nullos permittitur producere, in hoc esse favorabiliores, quam Actoris vel Accusatoris.

TITU-